

derant, virum querant & genere & probitate conspicuum, au-  
toritateq; praestantem, cui libros dedicent, consecrent & com-  
mendent: quorum patrocinio maleuolorum omnia ridentium,  
& vel margaritas porcorum more calcantium, & calumniam  
& inuidiam effugere se posse confidunt. Quae me causa im-  
pulsit, ut Commentarios in Diuum Mattheum primum Euan-  
gelistam, quos amicorum hortatu in lucem edere statueram, ti-  
bi potissimum dedicarem. Nec enim ullus commodior pa-  
tronus, gratior, & dignior occurrebat. Eligant alij sibi Re-  
ges, si volunt, eligant Imperatores, tu unus mihi instar es om-  
nium, te quem meum mihi constituo Meccenatem. Quid enim  
in te desiderem, cuius inclyta nobilitas est, autoritas maxima,  
prudencia singularis, sapientia incredibilis, amor in me non  
vulgaris? Quid de probitate & virtute loquar? quid de pie-  
tate erga Deum? quid de Christiana religione? Non hic ne-  
cesse arbitror tuum genus commemorare, & ab illis heroibus tri-  
tavis at tavisq; tuis repetere, quorum opinio cunctorum animos,  
mentesque compleuit, quorum splendor aciem perstringit ocu-  
lorum. Quae tua prudentia sit, à Philippo Rege honores tibi  
decreti, prouincia mandata, & negocia commissa declarant.  
Res magnas iam inde ab adolescentia gessisti, nunc istius reg-  
ni procuratione distineris, breuiq; spero futurum, ut Rex no-  
ster te ad maiora promoueat. Restat sapientia, literarumq;  
intelligentia diuinarum, in qua ita excellis, ut tuo sis parente ma-  
ior, quem scimus non modo genere & maiorum claritate sed  
etiam literis & eruditione fuisse perillustrem. Qui si viueret,  
te tali ac tanto filio iure posset, ac merito gloriari. Si enim, Salo-  
mon teste, gloria patris est filius sapiens, cui esse dubium potest,  
quin ex tua eruditione atque doctrina incredibili pater ille tuus  
animo caperet voluptatem: seq; à te vinci facile pateretur? Quae  
me certe ratio ab illorum accusatione defendit, qui mecum hoc  
consilium